



Comunicado di Prensa

17 di december 2021

Julisa Frans y Hans Hoogervorst, miembronan nobo di Cft

Willemstad – Dia 17 di december 2021 Consejo di Ministro di Reino a bay di acuerdo cu nombramento di Señora Julisa Frans M.Sc. como miembro di Colegio di supervision financiero (Cft) riba proposicion di Sint Maarten y di drs. Hans Hoogervorst como miembro riba proposicion di Hulanda. Señora Frans ta sucede Señor Russell Voges, kende su periodo a caduca dia 1^e di october 2021. Señor Hoogervorst ta sucede Señor Henk Kamp, kende a retira dia 24 di september 2021, na momento cu el a bira Ministro di Defensa den e gabinete demisionario Rutte III. Señora Frans y Señor Hoogervorst ta bira miembro di Colegio di supervision financiero (Cft) di Corsou y Sint Maarten. Banda di esey Señor Hoogervorst ta bira miembro tambe di Colegio di supervision financiero (Cft) di Boneiro, Sint Eustatius y Saba, y di Colegio di supervision financiero di Aruba (CAft).

Señora Julisa Frans ta consehero (*consultant*) independiente y actualmente e ta eherce diferente trabou di conseheria. Como tal e ta dispone di e conocimiento y e base necesario pa su futuro trabounan. Den e periodo entre 2008 y 2021 Señora Frans a eherce varios funcion financiero den Gobierno di Sint Maarten, entre otro esun di Consehero Principal di Maneho Financiero. Tambe e tabata responsabel pa varios aspecto financiero di e trabounan di recuperacion despues di horcan Irma. Ademas Señora Frans tabata miembro di e Comision di Monitoreo, encarga cu monitoreo di ehecucion di e pakete di reforma y cu tenemento actualisa di e panorama global respectivo pa Gobierno di Sint Maarten.

Despues di un carera di hopi aña den politica Hulandes a nombra Señor Hans Hoogervorst dies aña pasa presidente di Consejo di Norma Internacional di Accounting na Londen y miembro di Consejo di Stabilidad Financiero. Di 2007 te 2011 e tabata presidente di directiva di Autoridad di Mercado Financiero di Hulanda. Prome cu esey e tabata Ministro di Salud Publico, den cual funcion el a introduci un sistema di cuidu nobo. Entre 2002 y 2003 e tabata Ministro di Finansa y di 1998 te 2002 e tabata Secretario di Estado di e Ministerio di Asunto Social. Prome cu esey e tabata miembro di Tweede Kamer pa VVD.

[Fin di e Comunicado di Prensa]

Potret:

Cft

Texto na potret:

Hans Hoogervorst ta bira miembro nobo di e Colegionan di supervision financiero riba proposicion di Hulanda y Julisa Frans riba proposicion di Sint Maarten.

Nota pa redaccion – no pa publicacionPersona di contacto na Cft:

Secretariado di e Colegionan di supervision financiero
Telefon +5999 461-9081 / +5999 461-9082 / +5999 461-9084
Email info@cft.cw
Website www.cft.cw

Persona di contacto cu Prensa:

Jefka Alberto
Telefon +5999 512-6861